

Lóchrann chúig solas Sainct Phroinsias

[Mhág Craith, Cuthbert: *Dán na mBráthar Mionúr I*, Dublin, 1967, poem 20]

S. Froinsias: Réalta eoil

File anaithnid cct

1 Lóchrann chúig solas Sainct Phroinsias,
fréamh chothaighthe an chrábhaidh te;
chóig créachta 'na dheoidh dá dhearbhadh
réulta eoil go ndearnadh dhe.

2 Lóchrann corcra na gcóig solas
ag seoladh cháich don tigh thuas -
dul ina leith fa dheoidh dlighidh
do bhreith eoil 's slighidh suas.

3 Usaide an lóchrann do leanmhuin;
ag leathadh oirne iseadh bhíos;
ar lasadh ón láimh go chéile;
lasar ghráidh is géire gríos.

4 Chóig gona báis do bhí ar Íosa -
éarlaimh Aisísi isé fuair;
do bhí díol gach éarlaimh d'anáir
i n-énghein díobh d'fhagháil Uaidh.

5 Soillsi gréine ó ghrádh na humhla
san éarlaimh naomhtha, ar bhfáidh fis;
dob fhiu a thriall i dtaobh an ghrádha
grian na naomh do rádha ris.

6 Gé fuair i gceann chneidhe an chíogha
ceithre tinnchneidhe thrí gcló,
nír mhothaigh gur chás na cneadha;
rothoil ghrás fa-deara dhó.

7 Fuair sé dhá thapuir ón troightheach,
dá tharruing leo don tigh thall;
mar sein do na glacoibh gonta;
tapuir ón gcneidh ochta ann.

8 Réulta eolais na n-ord gcrábhaidh
na cóig thapracha an tráth fuair,
dá bhríogh do rolas an rélla;
solas ag Síol Ébha uaidh.

9 Na grásdadha fhuair ar umhla
ní fhuair abstol, ní fhuair fáidh;

ní fhuair neach dár fhás don uile
leath a ghrás acht Muire a-mháin.

10 A dhuine a-tá i n-easbhuidh eolais,
urusa dhuit dul ar neamh:
fuarais ón naomh róide réidhe;
saobh 's nach móide téighe as-teagh.

11 A dhaoine leanas lorg Phroinsiais,
freagraidh an t-eol don tigh thuas:
leanaidh cneadha na gcóig gcrítheadh!
róid na sreabha ag sileadh suas.

12 Sreabh don chrú-soin an chíoch corcra
gidh crú 'na trácht an tan do léig
'na gclasaibh go guin na cíocha
fuil 'na mbasoibh thríotha théid.

13 Do cuireadh leis lá na croiche
créuchta Dé mar dhearbhas siad;
ag so an lá do nocht a naomhthacht;
dhá chorp a-tá i n-aonchorp iad.

14 Colann Phroinsiais, frémh na humhla,
úr gan truaileadh a-tá sí;
riamh gan tadhall fa thalmhain;
ní calann chriadh amhlaidh í.

15 Ní thug an bás claochlódh crotha
ar chorp an naoimh is nua gcnis:
corp an té ar nár thóir a námha -
ní cóir cré do rádha ris.

16 Bernárdus dob ainm dá athair
- más fhíor don eolas fhuair mé -
gég do mhínfheadhuibh chraobh gcnuasuigh,
caor d'fhíneamhuin uasail é.

17 I n-ionad aingil an díomuis
druim re a Thighearna an tráth tug,
Jesus Christus, ar gcrann toraidh,
Fran-ciscus do roghoin rug.

18 Ord Sainct Phroinsiais fuair tre umhla
áit an aingil dob ard glóir;
grása Dé do fhoillsigh ortha
gur shoillsigh ré dhorcha dhóibh.

19 A dtug d'annsacht d'fhuath na bpeacach
pairt na n-aingeal uair dá luach;

le rún glan crábhuidh is coinsias
do ghrádhaigh San Phroinsias fuath.

20 Cúig bhliadhna dhég is deich mbliadhna
go bás Phroinsiais - fada an ré;
Dia fíre do éag fan aim-sin -
míle is dá chéad d'aimsir é.

21 Re croich Íosa iseadh do snadhmadh
San Proinsias dár ceangladh croch;
nír bh'í a thail a iarraidh uaidhe;
riaghail air nár chruaidhe cloch.

22 Mac ag mnaoi nar mhill a hóighe -
ní fhuair ríoghan rath budh mó;
gan mhnaoi do líodh ar leanbh Muire
fearg Ríogh na cruinne ní chló.